



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Ven. Viri Thomæ Malleoli A Kempis, Canonici Regvlaris  
Ordinis D. Avgvstini. Opera Omnia**

**Thomas <von Kempen>**

**Dvací, 1625**

De opere Mariæ. III.

[urn:nbn:de:hbz:466:1-45790](#)

specialiter spectat ad Martham , sicut vacare ad Mariam . Non tamen istæ duæ sorores ab inuicem separari , nec debent de statu suo contendere : sed magis studeant pariter Christum hospitio recipere , ut in omnibus possint perfectè stare , & quotidianis proficere virtutum augmentis .

## §. 2. Opus Martha.

*Luc. 10.  
2. Cor. 8.*

*2. Pet. 1.*

**M**artha seruiat , laboret , atque prouideat bona coram Deo & hominibus , vt soror eius Maria liberius vacet diuinis . Nec murmuret contra sororem suam , quod eam solam reliquit ministrare : sed potius adhortetur , vt in quiete & silentio se teneat , & nullis se mandi occupet negotijs : sed I E S U M semper præ oculis habeat , in quem Angeli prospicere concupiscunt . Audiatque eū , & miretur de verbis gratiæ , que procedunt de ore eius ; atque tallem se exhibeat , vt digna sit auditu diuino . Tam purum & absque terrena mole cor suum præparet , vt cælestibus desiderijs accessa , quandoque mereatur introire cum ipso , ad inconsueta dulcedinis eius gaudia .

## §. 3. Opus Maria.

**M**aria verò sorori suæ compati debet , & sapientius Dominum orare ; vt dignè & deuotè valeat ministrare sibi & alijs necessaria huius vitæ , vt patiens sit in aduersis , fidelis & prudens in omnibus negotijs suis : atque sic exteriora moderetur & ordinet , vt seipsum interius non omnino negligat : sed cum tempus occurrerit , exemplo suo ad vacandum sibi paululum , in secretum secedat . Nec sibi soli & Deo vivere magnum & gaudiosum reputet , sorore relicta sub sarcina . Sed pio considerationis oculo , eius memor sit apud dilectum suum ; nec non consolationis verbo , quantum valet , subleuamentum deferat . Memento Maria , quod non vales liberè vacare , nisi Martha voluerit prote laborare : & nisi illa exteriora disponeret , tu minus lucide interiora videres . Ut illic est tibi sororis tuae solicitude , vt nō perturbetur tua desiderabilis solitudo . Ne ergo velis sororem tuam contempnere , aut iudicare minus sanctam , quia occupatur rebus transitorijs vilibus que materijs . Magis autem hoc cogita , quantam tibi in humilitate seruitutis suæ præstat contemplandi occasionem . Quæ licet exteriora procuret , dispenset , & custodiat ; alia tamen habet in intentione cordis , quæ principaliter amat . Nam Iesus Christus utique est finis , pro quo in tantum laborat , propter quem etiam sibi non parcere à manè usque ad vesperam nō refugit , vt alij fructum spirituale ex hoc maiorem consequantur . Dilige proinde sororem tuam , & defer ei compassionem , orationem , reverentiam , &

EXCL<sup>o</sup>



excusationem. Si quid minus potest in spirituali conuersatione; hoc tu supplere desidera per sancta & deuota exercitia tua. Non tamen ex te illud presumas, aut de te plus quam oportet sapere velis: sed Dei gratia te exhortante interius, bonum charitatis tuæ studium in hoc commendâ, quia omnia bona opera tua ei communicare debebas, quæ plura impedimenta deuotio- nis haber quam tu Soror enim tua es, & illi debes; quidquid boni apud Deum habere vales.

## ¶ Admonitio Martha.

**A**udi iterum & tu Martha, quæ solicitaris circa frequens ministerium. Cae ne turberis in opere, & ne deficias in tribulatione: quia satis abundantier & causarum tumultus aduenient tibi, & aduersitatū contra te varietas non deficit. Beata eris, si omnia patienter accipis, & cum gratiarum actione, à Deo esse bona & mala salubriter sentis. Semper igitur tibi opus est patientia atque prudentia; ut per patientiam mala superes, & per prudentiam aliis bona misericorditer impendas, quamvis sint etiam ingratii. Attende tu quibus seruias, & qua mercede laboras. Nonne Christus est, cui te totam contulisti? Eius Martha es, & eius voluntatem facere debes, ne offendas & pecces. Potens est Dominus tibi dare gratiam maiorem, & ostendere etiam gloriam suam; ut quæ tam sedulò & deuotè ei ministras in mundo, tandem iuxta eum recumbas in regno eius.

## ¶ Consolatio Martha.

**E**ia Martha, magna erit merces tua in cælo, tantum esto fidelis in ministrando. Propterea serui, fer curam, præpara que opus sunt ad vitam istam: siue in coquina, siue in braxatorio & cellario: siue terendo semina; siue molendo sinapis, siue alterius generis grana. Opus si vile est, tamen precium vita eterna est. Quicquid enim expendis in usum fratrum Christi, reddet tibi iustus iudex in die iudicij. Quando omittis propriam voluntatem & utilitatem aliquam, seu quando postponis spiritualē lectionē propter aliorum necessitatem, tunc enim à Christo hereditatē æternæ vitæ, & ille sit tibi preciosum & firmissimum pignus solutionis æternæ glorie. Vnde Patri sic dicit: *Volo Pater, ut ubi ego sum, illic sis & minister meus.* O Martha, multa potes operari opera bona, si sis voluntaria & parata. Egent seruitio tuo serui Christi, & sine tua cura non senti in Deo liberi. Si tamen vis esse meritiorum opus tuum, fac ex animo bono, & non cum tristitia neque cum tradio. Magnam potes exercere charitatem in fratres, magnam etiam generare lætitiam, dum esuriunt, & sitiunt, nec habent

S f

quod

1089. 12.